

全唐詩目 第六函

第一冊

玉涯 一卷

賈稜

劉遵古

李正封

崔立之

郭遵

韋紆

樊陽源

許稷

范傳正

豆盧榮

邵偃

柳道倫

陳九流

夏方慶

共二卷

陳羽

一卷

歐陽詹

一卷

柳宗元

四卷

全唐詩

王涯

四十首

王涯字廣津太原人博學工屬文貞元中擢進士又舉
宏辭調藍田尉以左拾遺爲翰林學士進起居舍人憲
宗元和初貶虢州司馬徙袁州刺史以兵部員外郎召
知制誥再爲翰林學士累遷工部侍郎涯文有雅思永
貞元和間訓詁溫麗多所橐定拜中書侍郎同中書門
下平章事尋罷再遷吏部侍郎穆宗立出爲劔南東川
節度使長慶二年入爲御史大夫遷戶部尚書鹽鐵轉
運使敬宗寶曆時復出領山南西道節度使文宗嗣位
召拜太常卿以吏部尚書總鹽鐵歲中進尚書右僕射

代郡公。久之以本官同中書門下平章事。俄檢校司空兼門下侍郎。李訓敗。乃及禍。集十卷。今編詩一卷。

享惠昭太子廟樂章

送神

威儀畢陳。備樂將闋。苞茅酒縮。管蕭香徹。宮臣展事。肅雍在列。迎精送往。厥鑒昭晰。

望禁門松雪

宿雲開霽景。佳氣此時濃。瑞雪凝清禁。祥煙羃小松。依稀鴛瓦出。隱映鳳樓重。金闕晴光照。瓊枝瑞色封。葉鋪全類玉。柯偃乍疑龍。詎比寒山上。風霜老昔容。

廣宣上人。以詩賀放榜和謝。

延英面奉入春闈。亦選功夫亦選奇。在治只求金不耗。

用心空學科。無科龍門變化人。皆望鶯谷飛鳴自有時。
獨喜至公誰是證。彌天上人與新詩。

九月九日勤政樓下觀百僚獻壽

御氣黃花節。臨軒紫陌頭。早陽生綵仗。霽色入仙樓。
獻壽皆鵷鷺。瞻天盡冕旒。菊樽過九日。鳳曆肇千秋。
樂奏薰風起。盃酣瑞影收。年年歌舞度。此地慶皇休。

春遊曲二首

萬樹江邊杏。新開一夜風。滿園深淺色。照在綠波中。
上苑何窮樹。花間次第新。香車與絲騎。風靜亦生塵。

太平詞

風俗今和厚。君王在穆清。行看采華曲。盡是泰階平。

送春詞

日日人空老。年年春更歸。相歡在尊酒。不用惜花飛。

塞上曲二首

天驕遠塞行。出鞘寶刀鳴。定是酬恩日。今朝覺命輕。
塞虜常爲敵。邊風已報秋。平生多志氣。箭底覓封侯。

隴上行

負羽到邊州。鳴笳度隴頭。雲黃知塞近。草白見邊秋。

思君恩

雞鳴天漢曉。鶯語禁林春。誰入巫山夢。唯應洛水神。

春閨思

雪盡萱抽葉。風輕水變苔。玉關音信斷。又見發庭梅。

春江曲

搖漾越江春。相將采白蘋。歸時不覺夜。出浦月隨人。

閨人贈遠五首

花明綺陌春。柳拂御溝新。爲報遼陽客。流芳一作光不待人。

遠戍功名薄。幽閨年貌傷。妝成對春樹。不語淚千行。

形影一朝別。煙波千里分。君看望君處。祇是起行雲。

啼鶯一作鶯綠樹深。語燕一作燕雕梁晚。不省出門行。沙場知近

遠。

洞房今夜月。如練復如霜。爲照離人恨。亭亭到曉光。

從軍詞三首

戈一作於甲從軍久。風雲識陣難。今朝拜韓信。計日斬成安。

王涯
雙峰書屋

燕頤多奇相。狼頭敢犯邊。寄言班定遠。正是立功年。
旄頭夜落捷書飛。來奏金門著賜衣。白馬將軍頻破敵。
黃龍戍卒幾時歸。

塞下曲二首

辛勤幾出黃華戍。迢遞初隨細柳營。塞晚每愁殘月苦。
邊愁更逐斷蓬驚。一作聲

年少辭家從冠軍。金妝寶劔去邀勲。不知馬骨傷寒水。
唯見龍城起暮雲。

平戎辭

太白秋高助發兵。長風夜卷虜塵清。男兒解却腰間劔。
喜見從王道化平。

遊春詞二首

曲江綠

絲作

柳變煙條

寒谷冰隨暖氣銷。纔見春光生綺

陌。已聞清樂動雲韶。

經過柳陌與桃蹊。尋逐春光著處迷。鳥度時時衝絮起。

華繁袞袞壓枝低。

秋思二首

綱一作

軒涼吹動輕衣。夜聽更長玉漏稀。月度天河光轉

濕。鵲驚秋樹葉頻飛。

宮連太液見滄波。暑氣微消秋意多。一夜清風蘋末起。

露珠翻盡滿池荷。

漢苑行

二月春風遍柳條。九天仙樂奏雲韶。蓬萊殿後一作後殿花如錦。紫閣階前雪未銷。

秋夜曲

桂魄初生秋露微。輕羅已薄未更衣。銀箏夜久殷勤弄。心怯空房不忍歸。

獻壽

宮殿參差列九重。祥雲瑞氣捧堦一作皆濃。微臣欲獻唐堯壽。遙指南山對袞龍。

秋思贈遠二首

當年只自守空帷。一作閨夢裏關山覺別離。不見鄉書傳鴈足。唯看新月吐蛾眉。

厭攀楊柳臨清閣。閉採芙蓉傍碧潭。走馬臺邊人不見。拂雪堆畔戰初酣。

春閨思

一作閨人春思

愁見遊空百尺

一作絲

春風挽

一作惹

斷更傷離

一作林

花落盡

一作遍

青

一作蒼

苔地盡

日無人

誰得知

宮詞三十首

存二十七首

白

一作內

人宜著紫衣裳。冠子梳頭雙眼長。新睡起來思舊

夢。見人忘却道勝常。

春來新插翠雲釵。尚著雲頭踏殿鞋。欲得君王同一顧。

爭扶玉輦下金階。

五更初起覺風寒。香炷燒來夜已殘。欲卷珠簾驚雪滿。

自將紅燭上樓看

各將金鎖鎖宮門院院青娥侍一作侍至尊頭白監門掌來

却問頻多是最承恩

夜久盤中蠟滴稀金刀剪起盡霏霏傳聲總是君王喚

紅燭臺前著舞衣

箏翻禁曲覺聲難玉柱皆非舊處安記得君王曾道好

長因下輦得一作最先彈

一叢高鬢綠雲光官一作樣輕輕淡淡黃爲看九天公一作宮

主貴外邊爭學內家裝

宜春院裏駐仙輿夜宴笙歌總不如傳索金箋題寵號

鐙前御筆與親書

永巷重門漸半開。宮官著鎖隔門回。誰知曾笑他人處。
今日將身自入來。

春風簾裏舊青娥。無奈新人奪寵何。寒食禁花開滿樹。
玉堂終日閉時多。

碧繡簷前柳散垂。守門宮女欲攀時。曾經玉輦從容處。
不敢臨風折一枝。

鴉飛深在禁城牆。多繞重樓複殿傍。時向春簷瓦溝上。
散開朝一作雙翅占朝光。

白雪獨兒拂地行。慣眠紅毯不曾驚。深宮更有何人到。
只曉金階吠晚螢。

百尺仙梯倚閣邊。內人爭下擲金錢。風來競看銅烏轉。

遙指朱干在半天

春風擺蕩禁花枝
寒食鞦韆滿地時
又落深宮石渠裏
盡隨流水入龍池

牆

作雕

牆不斷接宮城
金榜皆書殿院名
萬轉千回相隔

處各調弦管對聞聲

霏霏春雨九重天
漸暖龍池御柳煙
玉輦遊時應不避
千廊萬屋自相連

禁門

作前

煙起紫沉沉
樓閣當中複道深
長入暮天凝不

散掖庭宮裏動秋砧

炎炎夏日滿天時
桐葉交加覆玉墀
向晚移鐙上銀簾
叢叢綠鬢坐彈棋

瞳瞳日出大明宮。天樂遙聞在碧空。
禁樹無風正和暖。玉樓金殿曉光中。

迴出芙蓉閣上頭。九天懸處正當秋。
年年七夕時光裏。宮女穿針盡上樓。

敎來鸚鵡語初成。久閉金籠慣認名。
總向春園看花去。獨於深院笑_{一作喚}人聲。

銀燭瀉水欲朝妝。燭焰紅高粉壁光。
共怪滿衣珠翠冷。黃花瓦上有新霜。

迎風殿裏罷雲和。起聽新蟬步淺莎。
爲愛九天和露滴。萬年枝上最聲多。

御果收時屬內官。傍簷低壓玉闌干。
明朝摘向金華殿。

盡日枝邊次第看

內裏松香滿殿間
四行階下暖氤氲
春深欲取黃金粉
繞樹宮娥著絳裙

禁樹傳聲在九霄
內中殘火獨遙遙
千官待取門猶閉
未到宮前下馬橋

全唐詩

賈稜

賈稜貞元八年進士第詩一首

御溝新柳

御苑陽和早。章溝柳色新。
託根偏近日。布葉乍迎春。
秀質方含翠。清陰欲庇人。
輕雲度斜景。多露滴行塵。
裊裊堪離贈。依依獨望頻。
王孫如可賞。攀折在芳辰。

劉遵古

劉遵古貞元八年進士第詩一首

御溝新柳

韶光先禁柳。幾處覆溝新。
映水疑分翠。含煙欲占春。
悠

賈稜劉遵古 李正封